

廣東通志

卷四十七

內閣文庫		
函	冊	號
四一〇	六九二	三九六九
漢書類		

內閣文庫		
架	冊	號
二九四	六九二	三九六九
漢書類		
(二四五)		

內閣文庫		
番號	漢	3969
冊數	692 (542)	
函號	291	97



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



廣東通志卷第四十七


列傳四

名宦四

宋上

淺草文庫

潘美字仲詢大名人父璘以軍校戍常山美少倜儻
 隸府中典謁嘗語人曰大丈夫當因亂世立功名而
 碌碌與萬物共盡可羞也事周世宗補供奉官至引
 進使宋太祖遇美素厚累遷至潭州防禦使開寶三
 年征嶺南以美為行營都部署尹崇珂副之師至賀
 州劉鋹遣兵萬餘眾來援美逆戰於南鄉賊眾大潰
 遂平賀州又下昭桂連三州西江諸州以次降美以
 功移南面都部署進兵至韶州又敗其眾十餘萬韶



廣東通志卷四十七

名宦四

宋上

州遂拔斬獲數萬計銀窮蹙四年二月遣其臣王珪
詣軍門求通好又遣其左僕射蕭灌中書舍人卓惟
休奉表乞降美因諭以上意以爲彼能戰則與之戰
不能戰則勸之守不能守則諭之降不能降則死不
能死則亡非此五者他不得受美即令殿直冉彥衮
部送灌等送闕銀復遣其弟保興率衆拒戰美率勵
士卒兼程趨柵頭距廣州百二十里銀衆十五萬依
山谷堅壁以待美因築壘休士與諸將計曰彼編竹
木爲柵攻之以火彼必擾亂因以銳師夾擊之萬全
之策也遂分遣丁夫數千人持二炬間道造其柵

及夜萬炬俱發會天大風火勢甚熾銀衆驚擾遂來
犯美揮兵急擊之銀衆大敗斬數萬計長驅至廣州
銀盡焚其府庫遂克之擒銀送京師露布以聞即日
命美與崇珂同知廣州兼市舶使五月拜山南節度
使士豪周思瓊作亂遣將校劉謙討平之嶺表遂安
初南中身丁錢甚重雖婦女不免乃奏罷之終檢校
太師同平章事卒年六十七贈中書令謚武惠子濬
字德淵中進士累擢秘書知康州從孫夙字伯恭天
聖中上書論時政見用後知韶州擢江西轉運判官坐
事謫監隨州酒稅起知光化軍大臣以將帥才舉之

易端州刺史再徙知鄜州召對訪交廣事稱言遷司

封郎中

據宋史廣州志參脩

尹崇珂秦州天水人後徙居大名父延勛歷磁同滌

三州刺史崇珂初事周世宗於藩邸以謙厚稱累遷

殿前都指揮使宋初出為淄州刺史有善政民詣闕

請刻石頌德太祖命殿中侍御史李穆撰文賜之討

湖南為行營前軍馬軍都指揮使荆湘平授朗州團

練使又與潘美丁德裕克郴州乾德中征嶺表以崇

珂為行營馬步軍副都署克廣州擒劉鋹即日詔與

潘美同知廣州兼市舶轉運等使錄功遷保信軍節

度未幾南漢開府樂範容州都指揮使鄧存忠韶州

賊帥周思瓊春恩道都指揮使麥漢瓊等據五州之

地以叛崇珂討之太祖遣中使李神祐督戰數月盡

平其黨還治所六年卒年四十二贈侍中遣中使護

其喪歸葬洛陽以其子昭吉弟崇珪並為西京作坊

使據宋史脩又有王繼勳者陝西平陸人宋初權知

道州與劉鋹接境因上言嶺表可取之狀及南伐

以為賀州道行營馬步軍都監繼勳有武勇在

軍陣常用鐵鞭鐵槊鐵撾軍中日為王三鐵

王明字如晦大名成安人自晉迄周歷仕藩鎮至縣

令宋初荆南高繼冲入覲授彭城節鉞以明為武寧

軍節度掌書記乾德初召公卿近臣各舉清白有吏

幹者一人給事中馬士元以明塞詔召爲左拾遺蜀平選知榮州代福遷右補闕會用兵於嶺南選爲荆湖轉運使開寶三年大舉南征以明爲隨軍轉運使山路險絕舟車不通但以丁壯數萬人轉運供億不闕每下一郡一城先保其簿書守其倉庫既而賀州未下入與主帥計業乃擐甲胄率所部護送輜重卒百人擁丁夫數千畚鍤皆作堙其斬直抵城門城中懼開門納欵遂據有之因抵廣州賊衆十餘萬拒戰是夕大風發屋折木衆乃驚懼明與都部署潘美等謀命丁夫數千人持二炬間道先搗賊壘大軍蓐

食陣以待之俄而萬炬皆發焚其柵賊驚果來犯大軍因逆擊之賊大敗斬首數萬劉鋹以城降廣州平爲東道轉運使所至險阻盡通而糗糧無缺太祖嘉其功擢授秘書少監領韶州刺史充轉運使俄以潘美尹崇珂爲嶺南轉運使以明爲副使明徧歷部內視民疾苦舊無名科歛悉條奏除之嶺表遂安七年代歸帝召見勞問賜襲衣金帶勒馬歷任知京朝官差遣事端拱二年卒年七十三子挺扶並進士及第挺至殿中侍御史扶至工部員外郎景德中錄幼子揆爲光祿寺主簿大中祥符八年又錄其孫師顏爲

三班借職揆至殿中丞據宋史修

董樞真定元氏人乾德初除主客員外郎遷比部郎

中二年出兼桂陽監使上書請伐廣南詔益桂陽戍

卒三千令樞統之開寶二年又上方畧會劉鋹令內

侍曾君實侵桂陽樞擊退之三年大舉伐鋹率兵

趨連口克之改兵部郎中權知連州兼行營招撫使

嶺南平賜錢三百萬四年移知襄州又為河北轉運

使改判西京留司御史臺據宋史連州志參條

周仁浚汝南人開寶間初平嶺南命知瓊州既至擇

偽官駱崇璨等四人列上分知儋崖振萬安四州因

俗而治綽有政蹟瓊人祀于名宦據一統志瓊臺志參條

曹光實雅州百丈人也父疇為蜀許南軍使光實少

武勇有膽氣輕財好施不事細行開寶中知韶州及

平交廣群盜未息以光實為嶺南諸州都巡檢使捕

逐群盜海隅以寧後遷團練使禦西夏李繼遷死事

詔以其子大理評事克讓為右替善大夫克恭等皆

授官有差據宋史薛州志參條

周渭字得臣昭州恭城人幼孤養于諸父力學工為

詩劉鋹據五嶺昭州皆其地也政繁賦重民不聊生

渭率鄉人六百踰嶺將避地零陵未至賊起斷道絕

糧復還恭城則廬舍煨燼遂奔道州爲盜所襲渭脫
身北上建隆初至京師爲薛居正所禮上書言時務
召試賜同進士出身解褐白馬主簿縣大吏犯法渭
即斬之上奇其才擢右贊善大夫時魏帥符彥卿專
恣朝廷選常叅官強幹者在其屬邑以渭知永濟縣
彥卿郊迎渭揖于馬上就館始與相見略不降屈縣
有盜傷人而逸渭捕獲并暴廢匿者按誅之不以送
府乾德中通判興州州領且口砦多戍兵監軍傲狼
縱其下爲暴居人苦之渭馳往諭以禍福斬其軍校
衆皆懾服詔書嘉獎命兼本砦鈐轄開寶元年鳳州

七房治王吏盜隱官銀擇渭往代周歲羨課數倍賜
緋魚又遷知棣州殿直傅廷翰爲監軍謀作亂走契
丹爲部下所告渭擒之以聞命械至闕下鞫得實斬
於西市渭在郡以簡肅稱及還吏民遮道泣留俄詔
賜錢百萬太平興國二年爲廣南諸州轉運副使初
渭之入中原妻子留恭城開寶三年平廣南詔昭州
訪求賜錢米存卹之及是渭始還故里鄉人以爲榮
渭奏去劉鋹時稅羨之繁者重定田賦興學校遷殿
中丞屬有事交趾主將逗撓無功有二敗卒擐甲先
至邕州市奪民錢渭捕斬之後至者悉令解甲以入

訖無敢犯移書交趾諭朝廷威信將刺日再舉黎桓
 懼則遣使入貢就加監察御史在嶺南凡六年徙知
 揚州進殿中侍御史改兩浙東西路轉運使入爲鹽
 鐵判官遷侍御史歷判戶部度支二勾院出知亳州
 賜金紫俄換宋州加職方員外郎爲益州轉運使坐
 從子違詔市馬黜爲彰信軍節度副使咸平二年真
 宗聞其清節召還將復用詔下而卒年七十七上閔
 其貧不克葬賙錢十萬以其子建中爲乘氏主簿渭
 妻莫荃賢婦人也渭北去時不暇與荃訣二子孩幼
 荃尚少父母欲嫁之荃泣誓曰渭非久困也今違難

遠適必能自奮於是親蠶績碓舂以給朝夕二子皆

畢婚娶凡二十六年復見渭時人異之朱昂著莫節

婦傳紀其事

據宋文脩○今按舊廣州志渭爲連州桂陽人類入人物傳詳其事故書

許仲宣字希粲青州人漢乾祐中進士宋初赴調引

對便殿氣貌雄偉太祖悅之擢授太子中允太宗時

爲廣南轉運使會用兵自廉欽征交州其地炎瘴士

卒死者十二三大將孫全興等失律仲宣因奏罷其

兵不待報即以兵分屯諸州開庫賞賜章檄書以諭

交州黎桓即送款內附遣使脩貢仲宣復上章待罪

帝嘉之太平興國六年遷吏部郎中雍熙四年出知

廣州未至移知江陵府後遷給事中卒仲宣性寬恕

倜儻不檢有心計處變晏然人服其量據宋史脩

李符字德昌大內內黃人改比部員外郎判刑部太

平興國初遷駕部轉祠部郎中知廣州兼轉運使二

年符圖海外諸城及嶺外花木各一以獻在任有善

政民為立生祠五年召為右諫議大夫判史部銓兼

大理寺丞理三司副使范旻得罪以符代之賜白金

三千兩車駕幸大名領行在三司未幾坐與官屬競

課最罷職守本官後坐事謫知春州七年春開封尹秦王廷美出守

西京以符知開封府廷美事發太宗令歸第省過趙普令符上言廷美在西洛非便恐有他變宜遷遠郡

以絕人望遂有房陵之貶普恐泄言坐符用刑不當

貶寧國軍行軍司馬盧多遜貶崖州時符白普曰珠崖雖遠在海中而水土頗善春州稍近瘴氣甚毒至

者必死願徙多遜處之普不谷先是太宗尹京符因宋琪薦爾德超事藩邸符貶德超為樞密副使屢稱

其寬會德超以事貶帝惡其明黨徙符嶺表普移知

春至郡歲餘卒年五十九至道二年郊祀追復右諫議

大夫祥符五年錄其子璜試將作監主簿據宋史脩

張雍德州安德縣人治毛氏詩開寶六年中第釋褐

東關尉太平興國初有薦其材者召歸改將作監丞

知南雄州姿貌豐偉泣事恭勤甚有名譽人以清幹

重之遷太子右贊善大夫出知鄧州大中祥符元年

請老以尚書右丞致仕誥命未至而卒年七十子太

冲官殿中丞據宋史脩

李崇矩字守則潞州上黨人太平興國中由邕貴薄
賓橫欽六州都巡檢使移瓊崖儋萬四州都巡檢使
麾下軍士咸憚於行崇矩盡出器皿金帛凡直數百
萬悉分給之衆乃感慨黎賊擾動崇矩悉抵其崗穴
撫慰以已財遺其苗長衆皆懷附代還拜右千牛衛
上將軍雍熙三年命代宋渥判右金吾衛仗兼六軍
司事端拱元年卒年六十五贈太尉謚元靖在嶺海
四五年恬不以炎荒嬰慮舊涉海者多艤舟俟便風
或旬餘或彌月崇矩往來皆一日而渡未嘗留滯七

卒僮僕隨在皆無恙子繼昌仕拜連州刺史出知涇

州祥符二年卒據宋史修

向敏中字常之開封人父瑀仕漢符離令性嚴惟敏
中一子躬自教督不假顏色嘗謂其母曰大吾門者
此兒也及冠繼丁內外憂能刺厲自立有大志不屑
貧窶太平興國五年進士歷轉戶部判官知制誥未
幾權判大理寺時妖尼道安搆獄事連開封判官張
去華敏中妻父也以故得請不預決讞既而法官皆
貶猶以親累落職出知廣州入辭面叙其事太宗為
之感動許以不三歲召還翌日遷職方員外郎遣之

是州兼掌市舶前守多涉譏議敏中至荆南預市藥物以往在任無所預以清廉聞就擢廣南東路轉運使後進左僕射昭文館大學士卒年七十二帝親臨哭之慟廢朝三日贈太尉中書令謚文簡五子諸壻並遷官親校又官數人敏中姿表瓌碩有儀矩性端厚豈弟多智曉民政善處繁劇慎於采拔居大任三十年時以重德目之為人主所優禮故雖衰疾終不得謝及追命制入帝特批曰敏中淳謹溫良宜益此意其恩顧如此有文集十五卷

據宋史廣州志參脩

凌策字子奇宣州涇人世給事州縣策幼孤獨厲志

好學宗族初不加禮因決意渡江與姚鉉同學於廬州雍熙二年舉進士起家廣安軍判官廣南西路轉運使進屯田員外郎入為戶部判官遷都官先是嶺南輸香藥以輿置卒萬人分舖二百負擔抵京師且以煩役為患詔策規制之策請陸運至南安汎舟而北止役卒八百大省轉送之費盧之翰任廣州無廉稱以策有幹名拜職方員外郎直史館命代之賜金紫廣英路自吉河趣板步二百里當盛夏時瘴起行旅死者十八九策請由英州大源洞伐山開道直抵曲江人以為便代還知青州

據宋史脩

李惟清字直臣下邑人父仲行爲章丘簿因徙家焉
開寶中惟清以三史解褐累遷給事中充鹽鐵使淮
南權貨務左授衛尉少卿俄出知廣州謹敕不苛環
貨一無所取至道初就拜石諫議大夫太宗以廉平
詔獎之二年徙廣南東西路都轉運使召拜給事中
終御史中丞卒子永錫太子右贊善大夫永德殿中

丞

據宋史脩

楊維新不知何許人淳化五年以太子洗馬知雷州
至道二年築子城暮月而畢民不知勞紹興八年海
寇陳旺攻城郡賴外郭得全士民莫不頌維新之功

趙黃勳趙伯樞相繼脩維新所築

輿情亦戴

之

據雷州志脩

馮拯字道濟河陽人少以書生謁趙普普奇其狀曰
子富貴壽考宜不下我舉進士補大理評事淳化中
有上封立皇太子者拯與尹黃裳王世則洪湛伏閣
請立許王元僖太宗怒悉貶嶺外拯知端州既至上
言請遣使括諸路隱丁更制版籍及議鹽法通商十
餘事太宗欲召還參知政事寇準素不悅拯乃徙知
鼎州改通判廣州郊祀遇覃恩遷尚書員外郎真宗
時以吏部尚書檢校太傅同平章事乾興初進封魏

國公卒贈太師中書令謚文懿子行己伸已皆知名

據宋史肇慶志參脩

查陶字大鈞徽州休寧人初仕南唐以明濬登科補

常州錄事參軍太宗時知南雄州事地當衝要民雜

夷夏陶至風俗丕變咸平中遷秘書少監後代楊億

知審刑院景德三年卒子拱之進士職方郎中慶之

太子中舍人據南雄志新安文獻志參脩

蔣元振不知何許人淳化中知廉州清苦勵節家屬

多貧不能贍悉寄潭州在任啜菽飲水政尚簡易民

甚愛之據一統志脩

張鑑字德明涿州范陽人瀛州團練使藏英之孫咸

平初知廣州居二年民條其政績上請刻石鑑初在

南海與通判李夷唐巡檢謝德權不協二人密言鑑

以貲付海賈往來賀市為左遷之據宋史廣州志參脩

張士遜字順之祖裕嘗主陰城鹽院因家陰城士遜

生百日始啼淳化中舉進士翰林學士楊億薦為監

察御史貢舉初用糊名法士遜為諸科巡鋪官以進

士有姻黨士遜請避去真宗記名于御屏自是親嫌

者皆移試著為令中書擬人充江南轉運使再擬轉

見卻帝獨用士遜再遷侍御史徙廣東至南雄奏除

苛政蠲戶役十餘事又徙河北累遷尚書左丞遂拜
 禮部尚書同中書門下平章事集賢殿大學士累上
 章請老廼拜太傅封鄧國公致仕宰相得謝蓋自仕
 遜始就第凡十年卒年八十六帝臨奠贈太師中書
 令謚文懿同時進士鄭天益景德四年以太常博士
 知南雄州惠鮮鰥寡民懷其愛又有凌皓者天禧時
 知保昌興水利開導江水民感其德至今號曰凌江
 云據宋史南雄志參脩
 陳堯佐字希元其先河朔人高祖翔為蜀新井令因
 家焉遂為閩州人父少華拜左諫議大夫特贈太子

少師堯佐進士及第歷遷開封府推官言事忤旨隆
 通判潮州脩孔子廟作韓吏部祠以風示潮人民張
 氏子與其母濯于江鱈魚尾而食之毋弗能救堯佐
 坐而傷之命二吏拏小舟操網往捕鱈至暴非可網
 得至是鱈受網作文示諸市而烹之人皆驚異宋文
堯佐戮鱈魚文已亥歲予於潮州建昌黎先生祠堂
 作拓韓辭載鱈魚事以旌之後又圖其魚為之讚凡
 好事者即以授之俾天下之人知韓之道不為妄也
 明年夏郡之境土地曰萬江村曰疏黃張氏子年始
 十六與其母濯于江溪倏忽鱈魚尾去其母號之弗
 能救洎中流則食之無餘予聞而傷之且謂天子聖
 武工澤昭洽刑不僭賞不濫海內外罔不率俾昆
 蟲草木裕如也鱈魚何恃焉而肆毒任虐之如是
 不可不為之思也命縣邑李公詔郡吏楊煦拏小吏
 操巨網馳往捕之咸謂予曰彼不可捕也穴深淵游

駭浪非人力之所能加也予則不然復之日方今普
 天率土靡不臣妾山川陰陽之神奉天子威令晦明
 風雨弗敢逾也鱈魚恃遠與險毒茲物律殺人者死
 今魚食人也又何如焉昔昌黎文公投之以文則引
 而避是則鱈魚之有知也若之河而逐之姑行焉必
 有主之者矣苟不能及予當請于帝躬躬與鱈魚決二
 吏既往即以予言告之且曰苟無網輒止伏不能舉
 繇是左右前後力者凡百夫曳之以出緘其物械其
 足檻以巨舟順流而至闔郡聞之悉曰是必妄也安
 有食人之魚形越數丈而能獲之者焉既見之則駭
 而喜且曰生於世有百歲者矣凡上下水中或見其
 隆伏髮鬣之狀雖相遠百步尚不敢枕今二吏捕之
 猶拾芥焉實今古之所未聞也向非公之義洽于民
 公之令嚴於吏然自誠而不欺也又安能殲巨害平
 大怨宣王者之威刑焉子如慎之終得之又意韓愈
 逐之以罪誅其首而烹之辭曰水之性則曰惡兮魚
 告之以罪誅其首而烹之辭曰水之性則曰惡兮魚
 之悍則曰鱈兮二者之異不可度兮張氏之子年方
 弱兮尾之食之胡為虐兮禁禁毋氏伴何說兮予實
 命吏顏斯怍兮害而弗去道將索兮夙夜思之哀民

廣兮赴赴二吏行斯恪兮矯天矯巨尾迎而搏兮獲而
 獻之伴人樂兮鳴鼓召衆春而而斯兮而今而後津其
 靡嘗權知惠州治以誠信凡事減省吏民化服嘗手
 植荔枝於州治人不忍傷比之甘棠云後拜同中書
 門下平章事集賢殿大學士以太子太師致仕卒贈
 司空兼侍中謚文惠堯佐少好學父授諸子經其兄
 堯叟未卒業堯佐竊聽已成誦初肄業錦屏山後從
 种放於終南山及貴讀書不輟善古隸八分為方丈
 字筆力端勁老猶不衰尤工詩性儉約見動物必戒
 左右勿殺噐物壞墮輒補之曰無使不全是棄也號
 知餘子自誌其墓曰壽八十二不為天官一品不為

廣雅釋義

卷之三

十三

賤使相納祿不為辱三者粗可歸息於父母棲神之
 域矣陳搏嘗謂其父曰君三子皆當特將相惟中子
 貴且壽後如搏言有集三十卷又有潮陽編野廬編
 愚仁集遣興集據宋史惠州志參脩兄堯叟字唐夫端拱三年
 登甲科解褐光祿寺丞直史館與父省華同日賜緋
 遷秘書丞久之充三司河南東道判官再遷工部員
 外郎廣南西路轉運使先是歲調雷化高藤容白諸
 州兵使蠶軍糧汎海給瓊州其兵不習水利率多沉
 溺咸苦之海北岸有透魚場正與瓊對伺風便一日
 可達與雷化高太平四州地水路接近堯叟因規度

移四州民租米輸于場第令瓊州遣蠻兵具舟自取
 人以爲便代還加刑部員外郎充度支判官未幾會
 撫水蠻酋蒙令國殺使臣擾動命堯叟爲廣南東西
 兩路安撫使賜金紬遣之事平遷兵部拜主客郎中
 至道中知端州肇慶志堯叟始之郡艤舟廬陵遇一
 僧贈以詩曰虎目猿聲形最貴祗因
 攀附即昇高知君今向端州去願助清風泛怒濤至
 端首疏嶺外無植惟產芋蒜因折數織布赴京以償
 芻直民便樞密直學士知三班兼銀臺通進封駁司
 之後拜相制置群牧使後拜右僕射知河陽病亟奏還輦下詔
 許之至京師卒年五十七廢朝二日贈侍中謚曰文
 忠錄其孫知言知章爲將作監主簿長子師古賜進

士出身後為都官員外郎希古至太子中舍所著請

盟錄三集二十卷據宋史一統志參脩

王仲達不知何許人景德間知英州州有名儒石汝

礪講易不仕建涵暉書院以居之慶曆中復建學于

大慶山教養生徒人知向學據英州志脩

楊覃字申錫漢太尉震之後覃少獻書於嗣王淑倅

私署著作佐郎後淑歸朝為禹城尉太平興國八年

舉進士擢第大中祥符二年改太常少卿直昭文館

知廣州勤於吏事所至以幹濟稱南海番舶之利前

後牧守或致謗議惟覃以廉著遠人懷之加右諫議

大夫四年卒年五十四遣其長子奉禮郎文友乘傳

赴喪詔本州護柩還其家官給所費錄其次子為揚

州司上叅軍據宋史脩

邵曄字日華連州桂陽人大中祥符四年以右諫議

大夫知廣州州城瀕海每番舶至岸常苦颶風曄鑿

內濠通舟颶不能害俄邁疾卒其詳見人物傳據宋史脩

陳世卿字光遠南劔人雍熙二年進士第解褐衡州

推官再為秘書遷太常丞知新安縣或薦其堪任憲

臺即召歸會張鑑出知廣州表為通判將行召見賜

緋加太常博士景德初徙知建州會邵曄知廣州被

疾乃授秘書少監代之加賜金紫郡有計口買鹽之制人多不便至郡奏除之先是暉鑿濠藏舟以避颶風之害廣人歌曰邵父陳母除我二苦九年卒年六十四錄其子南安主簿為太祝據宋史廣州志參脩曹利用字用之趙州寧晉人少喜談論慷慨有志操由殿前承旨歷擢東上閣門使忠州刺史賜第京師祥符中知宜州劉永規馭下殘酷軍校乘衆怨殺永規叛陷柳城縣圍象州分兵掠廣州嶺南騷動帝謂輔臣曰向者司天占候當用兵朕固憂遠方守將非其人以起邊釁今果然曹利用曉方畧盡心于事其

以為廣南安撫使利用至嶺外遇賊武仙縣賊健

蒙采盾衣甲堅利鋒鏑不能入利用持巨斧長刀破

盾遂斬首以徇嶺南平據宋史脩

陳從易字簡夫晉江人端拱二年進士及第歷彭州

軍事推官王均盜陷成都綿漢諸郡彭人謀殺兵馬

都監以兵應之時從易攝州事廉其首謀者殺之其

黨遂平乃率厲將吏脩嚴守械戒其家僮積薪舍後

曰倘吾力不足以守當死於此賊聞其有備不敢入

境賊平召為秘書省著作佐郎遷監察御史召對便

殿命賦瑞雪援筆立就真宗嘉獎改直史館知處州

會歲大荒饑有持杖盜取民穀者請一切戒死論全活千餘人遷太常少卿直昭文館知廣州三年遠俗安靖璽書褒美加三品服北還不市南物上聞即日擢左司郎中知制誥飛白書清字賜之後除龍圖閣直學士卒元豐中神宗問蘇頌卿母誰氏頌以從易對上曰天聖間學士耶頌因言從易知廣州不畜南物上曰清節過馬援矣先是宰相寇準惡從易踈已除從易吉州及寇準貶道州丁謂語從易曰廬陵之事可以釋憾矣從易謂當以故相禮待之謂有愧色其志行多類此所著有泉山集二十卷中書制稿西清

奏議三卷

據宋史廣州志參脩

許申潮州潮陽人天禧元年知韶州愛民勤政有甘露之祥遷張文獻公祠於今所驛程夾道植松榕數萬株遂成茂林其始末語在人物傳

據一統志脩

胡則字子正婺州永康人果敢有材氣以進士起家為京西轉運使遷禮部郎中部內民訛言相驚至遣使安撫乃定坐是徙廣州路轉運使有番舶遭風至瓊州且告食乏不能去則命貸錢三百萬吏白夷人狡詐又風波不可期則曰彼以急難授我可拒而不與邪已而償所貸如期後徙杭州再遷兵部侍郎致

仕卒則無廉名喜交結尚風義丁謂貶崖州賓客隨
 散落獨則間遣人至海上饋問如平日先是慶曆間
 宋守之知瓊州教諸生讀五經於先聖廟建尊師亭
 暇日躬自講授由是州人始知講學其所操持蓋優
 於則云據宋史瓊州志參脩

張錫字貺之其先京兆人曾祖山甫嘗從唐僖宗入
 蜀蜀平徙家漢陽錫進士甲科為試秘書省校書郎
 知南昌縣遷著作郎知新州初建學于州自是人始
 知學再遷太常博士樞密直學士李及薦為監察御
 史丁謂貶崖州議還內地錫疏謂姦邪弄國本與天

下共棄之今復還是違天下意由是止徙雷州進翰
 林侍讀學士判太常寺國子監卒贈尚書工部侍郎
 錫淳重清約雖貴奉養如少賤時讀書老而彌篤初
 舉廣文館進士考官任隨以為第一及隨死無子錫

屢調其家

據宋史歐陽文集參脩

寇準字平仲華州下邳人也至道元年加給事中時
 太宗在位久馮拯等上疏乞立儲貳帝怒斥之嶺南
 二年祠南郊中外官皆進秩準素所喜者多得臺省
 清要官所惡不知及者退序進之彭惟節位素居馮
 拯下拯轉虞部員外郎惟節轉屯田員外郎章奏列

街惟節猶處其下準怒堂帖戒拯毋亂朝制拯憤極
陳準擅權又條上嶺南官吏除拜不平數事廣東轉
運使康戩亦言呂端張洎李昌齡皆準所引端德之
洎能曲奉準而昌齡畏慙不敢與準抗故得以任習
臆亂經制太宗怒準適祀太廟攝事召責端等端曰
準性剛自任臣等不欲數爭慮傷國體因再拜請罪
乾興元年貶雷州司戶叅軍初丁謂出準門至叅政
事準甚謹嘗會食中有羨污準鬚謂起徐拂之準笑
曰叅政國之大臣乃爲官長拂鬚邪謂甚愧之由是
傾搆日深及準貶未幾謂亦南竄道雷州準遣人以

一蒸羊逆境上謂欲見準準拒絕之聞家僮謀欲報
讐者乃杜門使縱博毋得出伺謂行遠乃罷天聖元
年徙衡州司馬在雷州踰年教民開渠引弓塘水灌

東洋田萬頃旣卒

乃至據宋史雷州志參修

郎簡字叔廉杭州臨安人幼孤貧借書錄之多至成
誦進士及第補試秘書省校書郎知寧國縣徙福清
今縣有石塘陂歲久湮塞募民浚築既廢田百餘頃
邑人爲立生祠調隨州推官及引對真宗曰簡歷官
無過而無一人薦是必恬於進者特改秘書省著作
佐郎知分宜縣徙知賓州縣吏死子幼贅婿僞爲券

冒有其貲及子長屢訴不得直乃訟于朝下簡勅治
簡示以舊牘曰此爾翁書耶曰然又取偽券示之弗
類也始伏罪徙藤州興學養士一變其俗藤自是始
有舉進士者通判海州提點利州路刑獄官罷知泉
州累遷尚書度支員外郎廣南東路轉運使擢秘書
少監知廣州捕斬賊馮佐臣入判大理寺出知越州
復歸判尚書刑部出知江寧府歷右諫議大夫給事
中知揚州徙明州以尚書工部侍郎致仕祀明堂遷
刑部卒年八十有九特贈吏部侍郎相傳有黃姓者
景德初以朝奉郎知高州是時朝議省高州入賓州

徙治茂名尋又復之遷創郡學教養生徒居民以茅
竹爲廬舍常有火患始教民造瓦屋力不給者以官

錢助之志失其名謂爲黃朝奉云據宋史高州志參
脩○按朝奉正與

簡同時涖州黃與郎
聲相近疑即簡也

馬亮字叔明廬州合肥人真宗時知廣州鹽戶逋課
賈其妻子於富家悉取還之海舶久不至使招來之

至者倍於初朝廷遣中使賜宴以勞焉據廣州志一
統志參脩

張岐字邵卿崇安人真宗朝以秘書丞知瓊州瓊俗
悍朴牧守御得其道則歲時以香蠟魚果爲獻否則
群起爲盜岐鎮以清靜卻餽獻民夷服其廉介其地

多颶風能拔屋盛夏猶寒岐教以立屋之法稍免其

患後倅曹州移瀛州

據瓊州志建寧志參脩

孔勗兗州人孔子四十四代孫進士及第以殿中丞

通判廣州以清潔聞真宗東封時躬詣孔子祠帝問

宰相孔氏今孰為名者或言勗有治行即召對以為

太常博士知曲阜縣勗被召番酋爭持寶貨以獻勗

皆慰遣之後以尚書工部侍郎致仕卒年八十九子

道輔御史中丞為鯁直名臣又有狄棐字輔之潭州

長沙人天聖八年知廣州代還不以南物自隨人稱

其廉

據宋史一統志參脩

黃震字伯起建州浦城人進士及第累遷著作郎知

饒州徙廣東轉運使先是廣南歲進異花數千本至

都下枯死者十八九道路苦其煩擾震奏罷之震在

真宗朝數論事既卒詔進其官一等

據宋史廣州志參脩

章得象字希言世居泉州高祖仔鈞事閩為建州刺

史遂家浦城得象母方娠夢登山遇神人授以玉像

及生父復夢家庭積芻如山長而好學美姿表為人

莊重進士及第為大理評事知玉山縣遷本寺丞直

宗時東封泰山以殿中丞簽書充州觀察判官事知

台州歷南雄州善持法度有循良聲徙洪州楊億以


為有公輔器薦之或問之億曰閩士輕狹而章公深
 厚有容此其貴也擢同知樞密院事遷戶部侍郎遂
 拜同中書門下平章事集賢殿大學士據宋史南
 雄志參脩
 危祐字夢弼南城人天禧三年進士知邵州使者按
 治有所求祐告以民情不從因置笏曰某不敢擾民
 以固位請遂歸百姓遮道留之尋遷太學博士以言
 詆宰相謫守廉州吏進聚珠扇嘆曰身為廉州守而
 執此扇以對吏民獨不愧州名乎却之據江西
 通志脩
 王益字舜良臨川人大中祥符間進士及第天聖八
 年以殿中丞知韶州改大常博士尚書屯田員外郎

越嶺以南素習於夷無男女之別日浸月滋為吏者
 師耳目謂俗止如此凡姦事雖得有可已者皆不究
 益曰夫所因其俗豈謂是耶居郡求姦事最急苟有
 萌孽一切摘發窮治之屬縣翁源多虎益教捕之令
 欲媚益言虎自死者五輿之至州為頌以獻益使歸
 之曰政在德不在異州有屯兵五百人代者久不至
 欲謀為變事覺一郡皆駭益不為動取其首謀者五
 人即日斷流之或請以付獄不谷既而聞其徒曰若
 五人者繫獄當夜劫之然後眾乃服韶居南方雖小
 州然獄訟最多號難治益治之有餘又因民之暇時

為之理營驛表坊市道巷使皆可以久遠為後利下
 父憂去終都官員外郎益即安石之父也後有新喻
 蕭律景德間明經及第為廣州司法民有犯銅論死
 流者百餘人惟杖遣之民頌其寬又有陳宗愚者不
 知何許人也天聖元年知韶州愛民勤政嘗修造東
 西兩江浮橋復造水車引水入城以防火民蒙其利

據一統志南豐
集韶州志參脩

齊唐字祖之會稽山陰人登天聖八年進士第為南
 雄州簽判交趾進麒麟唐據史傳非之斥蠻人給中
 國衆服其博物以職方員外郎致仕據會稽
志脩



彭思永字季長廬陵人天聖五年進士為大理寺丞
 監洪州鹽務移知南海縣盡心民事以母喪去職服
 除知分寧縣二邑素號難治前令比以罪去民化其誠
 相戒以毋犯法至於無訟後知潮州民歲苦脩堤之
 役吏緣為姦貧者尤被其害思永為之立法役均而
 費省民大悅代還知常州時為都官員外郎尋召為
 侍御史極論內降授官賞之弊仁宗深然之累遷天
 章閣待制出帥河朔英宗嗣位恩升給事中以病請
 解兵任求為江南官徙知江寧府潮與江寧舊多火
 災迄思永去未嘗作人以為德政之感歲餘召權御

史中丞時追崇濮國為疏極論其事熙寧初正拜御
史中丞多所論奏未嘗語人出知揚州熙寧三年上
書告老遷戶部侍郎致仕過金陵以疾卒享年七十
有一思永為人端莊恭謹動必由禮慶曆甲申家居
謝客至學舍見縣尉河南程珣子顯德器不凡許以
仲女妻之故顯祭思永文有曰昔我穉齒為公所器
教之誨之實妻以子蓋感其知已也據宋史明道
文集參脩
包拯字希仁廬州合肥人天聖五年進士及第授大
理評事知天長縣能斷牛獄徙知端州歲貢硯前守
緣貢歲率數盈十倍以遺權貴拯至革其弊惟充貢

數而已秩滿不持一硯歸其清介如此被薦為監察

御史疏請選廣南知州

臣竊見廣南應係知州例差
奏陰京朝官初任知縣及一

考者伏見世祿之胄鮮惇義教童孺之歲便忝仕籍
未嘗學政即使司民甫越暮年又移典郡且一邑之
事尚未練悉六條之重安可責成地雖遠僻不可輕
授方國家多務調率旁午遠民困重尤在得人臣前
任端州日具知其事或無職官處只是知州獨員管
勾其猥冗恣橫之輩則惟務誅求庸懦潛昧者又全
不曉事民罹其害無所訴告擬刑轉運使憚其遠惡
復不能巡歷按劾但上下相蒙耳臣欲乞今後奏蔭
京朝官合該廣南知州者並於次任知縣內選有治
績及舉主者方得差移并乞勸會元無職官處各選
置一員仍令轉運提刑司非時不尋又奏請廣南添
得差出所貴關掌郡事輯寧異俗
差職官章再上從之第一路諸州元無職官處各令置
一員關掌郡事尋蒙降指揮下銓司至今未聞有人
注擬雖該赦恩於選又例注家便及次遠以嶺外遐

僻憚其地遠兼訪聞兩路闕員甚多其十數年無正
官處並差土人充攝官緣近年蠻賊侵擾民力困竭
全籍庶幹官吏多方緩撫今來銓司若候合人遠選
人及情願者竊恐卒未差除得人深屬不便竊見頃
年以來廣南闕官遂於江浙就移兩任四考已上簿
尉充彼處縣令自後因循不行欲乞特降指揮令銓
司檢詳舊例於江浙荆湖等處近便路分諸州簿尉
中選無公私罪犯兩任五考已上就除權職官四考
已上就除縣令便令赴任如此則遠官無由倖免異
俗得以輯寧○第二章臣昨上言以廣南諸州乞今
後應奏蔭京朝官合該往彼知州並於次任知縣內
選有治迹乃舉亡者方得差移并乞勘會東西兩路
元無職官處各選置一員至今多日未蒙朝廷施行
竊緣嶺服之表地最遐僻俗性犷悍易動難安今又
蠻賊猖狂郡縣搔撓長吏之任尤在得人况童孺之
年未嘗學政不當輕受重困遠民且近地牧守尚有
通判職官更相裨贊而嶺外遠郡乃令此輩獨員管
勾民罹其害無所控告甚非朝廷求治之本意也兼
訪聞所闕職官祇二十餘州每州各置一員事理至
使所貴關掌郡務安異俗伏望聖慈令檢會臣先進

劉子速 官至樞密副使今載祀典又有鄭端義者先

拯時知端州務農重學常築石城民永懷之據宋史

集肇慶志 參脩

常九思河內人仁宗時知韶州心樂易而政精勤先

是郡歲課丁夫刺船南海餽鹽數千萬石民重困擾

獄訟益煩九思下車斥占名之卒以代之民得休息

其後有藥温故知韶州日漕司欲以徭寇首豪挿住

州境温故拒不受民乃安堵罷三溪鹽場并草墟歲

額在職二年市銅鑄錢三十萬貫待從累表薦之又

其後有王之才知韶州樂善好脩敏而有才雖韶稱

事劇而日有餘暇嘗新州學日與弟子員討論講解

崇獎秀異俾之進業三人者皆以能理名據韶州志脩

林槩字端父福州福清人仁宗康定元年以大理寺

丞出知連州時州數被流賊槩選蠻籍土民為兵柵

要衝購徭人使守禦田是流賊不敢犯境又上封事

請行唐府兵之法不報據湟川志脩

張昱之字景山清河人進士及第仁宗時累官至廣

南東路轉運使夷人有犯其舊長得自治而多慘酷

請一以漢法從事王絲紹興人慶曆中以侍御史為

廣南東路轉運使兼市舶提舉舊番舶之來十稅其

一必擇精者絲今精粗兼取夷人悅之目為金珠御

史二人前後所尚不同昱之繩之以嚴絲稅之以寬

然夷情亦莫不服據宋史合璧事類參脩

林積字公濟龍溪人也慶曆中循州判官廉謹方嚴

嘗覆強盜獄多平反忤部使者意初使者欲薦積因

是已之積笑曰失一薦章而活五十八人吾何憾焉

政治安福六合皆有政績繼至泗州調對神宗嘉其

廉能除江西運判徙廣東提刑召為三司度支判官

遷駕部郎中太府少卿出知福州移河南轉運使卒


據惠州志一統志參脩

劉夔字道元建州崇安人進士中第直史館知陝州
 改太常少卿知廣州所至有廉名權三司度支副使
 桂陽監蠻唐和寇邊以右諫議大夫龍圖閣直學士
 潭州兼湖南安撫使知建州尋告老遂以戶部侍郎
 致仕英宗即位遷吏部卒年八十三據宋史
 杜杞字偉長京兆人慶曆中為廣西轉運使時區希
 範寇破瓊州杞以計攻破之遂復瓊州因伏兵擒諸
 蠻寇六百餘人尋得希範醢之海南遂平終環慶經
 畧安撫使杞性強記博覽書傳通陰陽數術之學自
 言吾年四十六死矣一日據廁見希範在前訴冤杞

叱曰爾狂僭叛命法當誅尚敢訴耶未幾卒有奏議

十二卷據宋史一統志參脩

胡衍字昭叔泰和人慶曆中進士宰瀘陽嶺南無田
 之民例輸丁米衍為言於外臺部使以聞適陳執中
 秉政嘗奏免梧州虛稅於是例可之衍性坦夷內外
 洞徹所至以循良稱據江西通志脩
 陸起新淦人慶曆進士為英州瀘陽令村巫以銀甕
 貯二蛇率民道從迎且祠焉起亟令出甕斬之悉燔
 其所導從物捕巫正其姦累官員外郎曾南豐作政
 難篇美之據江西通志脩



魏瓘字用之歙州人父羽奏補秘書省校書郎歷知循隨安州提點廣南西路刑獄邕州獠戶緣逋負沒婦女為傭者千餘悉奏還其家就除轉運使劉錕時計口以稅雖舟居亦不免至是而雷化欽廉高州猶未除瓘為除之遷太常少卿知廣州築州環城五里疏東江門鑿東西澳為水閘以時啓閉尋拜右諫議大夫再任臨江軍判官吏沆性險詖嘗為瓘所劾免會廣州封送貢餘椰子煎等餉京師趣邀晉之飛奏指為珍貨詔遣內侍發驗沉坐不實瓘亦降知鄂州儂智高寇廣東西獨廣州城畝守不能下於是論築

城功遷工部侍郎集賢院學士復知廣州兼廣東經

畧安撫使給禁卒五千聽以便宜行事屬狄青已破

賊召還糾察在京刑獄據宋史廣州志參脩

呂居簡河南人宰相蒙正之子初為殿中丞慶曆中

提點京東刑獄時夏竦有憾於石介介死竦言於上

曰介未嘗死北走鄰國矣乃遣中使發棺驗之居簡

力言不可乃止進龍圖閣直學士知廣州陶甓甃城

人以為便以兵部侍郎判西京御史臺卒年七十二

據宋史脩

薛利和河東人皇祐中知春州秉心耿介不鄙其地

勤於脩職勸農興學得為政之體焉有劉丙者不知何許人嘉祐初知廉州建脩橋梁盡革催科前弊民無擾焉尋遷太常丞父老攀留不得乃繪像祀之又

有譚友直者亦不知何許人天聖五年知雷州因俗為政與民休息有聲于後據雷州志廉州志陽春縣志參脩

趙師旦字潛叔單州武城人後徙居山陽樞密副使積之從子美容儀身長六尺少年頗涉書史尤刻意刑名之學用積廕試將作監主簿累遷寧海軍節度推官知江山縣斷治出已吏不能得民一錢棄物道上人無敢取以薦者改大理寺丞知彭城縣遷太子

右贊善大夫移知康州儂智高破邕州順流東下師旦使人覘賊還報曰諸州守皆棄城走矣師旦叱曰汝亦欲吾走乎乃大索得謀者三人斬以徇而賊已薄城下師旦止有兵三百開門迎戰殺數十人會暮賊稍却師旦語其妻取州印佩之使負其子以匿曰明日賊必大至吾知不敵然不可以去爾畱死無益也遂與監押馬貴部士卒固守州城召貴食貴不能食師旦獨飽如平時至夜貴卧不安席師旦即卧内大鼾遲明賊攻城愈急左右請少避師旦曰戰死與戮死何如眾皆曰願為國家死至城破無一人逃者

矢盡與貴俱還據堂而坐智高麾兵鼓譟爭入脅師
 日師曰大罵曰餓獠朝廷負若何事乃敢反耶天子
 發一校兵汝無遺類矣智高怒遂害之監押馬貴
 亦力戰而死賊既去州人為立廟以貴配享事平贈
 光祿少卿賜其母主長安縣太君冠帔錄其子弟并
 從子三人師日遇害時年四十二柩過江山江山之
 人迎師旦喪哭祭於路絡繹數百里不絕先是師日藏
 其妻於山谷生一子棄草中賊去後凡三日尚生人
 謂忠義之報云崇寧五年賜廟額曰忠景靖康初追
 謚愍惠侯

徐積忠烈詩皇祐四年山陽趙公以贊善大夫守晉康未逾厥月儂智高起於廣源

遂及邕州賊乘其銳勢如飄風突至晉康乘城而闚
 公率羸師百類身為捍蔽手殺數十人又射其二驍
 帥應弦俱倒賊勢雖沮而其徒大至盡銳攻之於是
 軍吏輩請公避賊曰全家喫着是國家底於是三百
 羸師人人爭奮血戰而後死卒無一人亡者其赤心
 義烈貫通白日遂令此曹舍生取義此君子所以為
 公也者避其難也倘茲臣賊子所以得遂其惡者以全
 食焉者避其難也如此則王奔之徒不得賣其君安有
 亂之不可平耶如此則王奔之徒不得賣其君安有
 世為其臣世食其祿并其國而賣之者乎至如褚彥
 回輩是肉食而避其難者其國而賣之者乎至如褚彥
 地矣問者曰公之死節其義則然然而何益於敗
 谷曰守義死節不論成敗計成敗而後為之者庸
 衆人之事也且智高本謀出人而後為之者庸
 也如使兵無留行直插番禺則其城危矣番禺所以
 得紓少日以備禦者以康州力戰與賊相持故也
 則廣州不陷者康州之力也何謂無益問者又曰假
 使曠日持久能為睢陽之事乎答曰凡全城者所以
 全人也使人相食魚肉其民此康州之所不為也然
 則為之奈何曰必不得已此而再拜以謝朝廷仗劍

自殺以謝百姓此東州之所能為之矣嗟呼使康州
而無死何義之不立何忠烈之不可為耶故為忠烈
詩云在昔皇祐蠻黨交構聚為伏梟起為攫獸出人
不意其鋒甚銳州無敵具城無守備所在奔亡賊勢
益張橫身扞蔽爰有晉康羸兵數百摧堅沮敵殊死
血戰氣吞逆賊按劍一呼皆裂吻拆凶焰方熾公方
虎視人方憂死飽食野睡勇如項籍哀歌惻惻為虞
姬泣康州不然忘其妻息猛如敖曹強梁粗豪伏藏
于橋類魯雖賢所守不堅大節不全奇哉康州其勇
絕類以義配勇其本在內不動如山不傾如地何物
可搖何兵可制如令不死社稷所恃如令復生可備
一而勝於金湯無疆無界人亦鬼方知有斯人中國
之光若斯人者决不徇利肝膽可瀝頭壁可碎生乎
由是死乎由是生亦可貴死亦可貴死而有子時方
三歲死中得活此乃天意使世其家世為忠義子子
孫孫永不失墜我為此詩激勸萬世○臨川文集王
安石贈光祿少卿趙君墓誌銘儂智高反廣南攻破
諸州州將之以義死者二人而康州趙君余嘗知其
為賢者也君用叔祖蔭試將作監主簿選許州陽翟

縣主簿潭州司法叅軍數以公事抗轉運使連劾奏
君而州將為君訟於朝以故得無坐用舉者為温州
樂清縣令又用舉者就除寧海軍節度推官知衢州
江山縣斷治出已當於民心而吏不能得民一錢棄
物道上人無敢取者余嘗至衢州而君之去江山蓋
已久矣衢人尚思君之所為而稱說之不容口又用
舉者改大理寺丞知徐州彭城縣祀明堂恩改太子
右贊善大夫移知康州至二月而儂智高來攻君悉
其卒三百以戰智高為之少卻至夜君顧夫人取州
印佩之使負其子以匿曰明日賊必大至吾知不敵
然不可以去汝番死無為也明日戰不勝遂抗賊以
死於是君年四十二兵馬監押馬貴者與卒三百人
亦皆死而無一人亡者初君戰時馬貴惶擾至不能
飲食君獨飽如平時至夜貴卧不能著寢君即大斲
此鳴呼其於義與命可謂能安之矣君死之後二日
而州司理譚必始為之棺斂又百日而君弟至遂護
其喪歸葬至江山江山之人老幼相携扶祭哭其迎
君喪有數百里者而康州之人亦請於安撫使而為
君置屋以祠安撫使以君之事聞天子贈君光祿少

卿官其一子觀右侍禁官其弟子試將作監主簿又以其弟潤州錄事參軍師陟為大理寺丞簽書泰州軍事判官廳公事君諱師旦字潛叔其先單州之武城人曾祖諱晟贈太師祖諱和尚書比部郎中贈光祿少卿考諱應言大常博士贈尚書屯田郎中自君之祖始去武城而葬楚州之山陽故今為山陽人而君弟以嘉祐五年正月十六日葬君山陽上鄉仁和之原於是夫人王氏亦卒矣舉其喪以附銘曰可以無禍有功於時玩君安榮相顧莫為誰其視死高蹈不疑嗚呼康州銘以昭之

蘇緘字宣甫泉州晉江人舉進士調廣州南海主簿州領番舶每商至則擇官閱實其貲商皆豪家大姓習以客禮見主者緘以選往商樊氏輒升階就席緘詰而杖之樊訴于州州召責緘緘曰主簿雖卑邑官也商雖富部民也邑官杖部民有何不可州不能詰

再調陽武尉劇盜李囊橐于民賊曹莫能捕緘訪得其處萃眾大索火旁舍以迫之李從中逸出緘馳馬逐斬其首送府府尹賈昌期驚曰儒者乃爾輕生邪累遷秘書丞知英州懷智高圍廣緘曰廣吾都府也且去州近今城危在旦暮而不往救非義也即募士數千人委印於提點刑獄鮑軻夜行赴難去廣二十里止營廣人黃師宓陷賊中為之謀主緘擒其父群不逞並緣為盜復捕殺六十餘人招其誑誤者六千八百人使復業賊勢沮將解去緘分兵先扼其歸路布槎木亘四十里賊至不得前乃遶出數舍渡江由

廣通志卷四
卷四
連賀而西緘與賊戰摧傷甚衆盡得其所略物時諸將皆罷獨緘有功仁宗喜擢爲供備庫副使廣東都監管押兩路兵甲遣中使賜朝衣金帶襲賊至邕大將陳曙以失律誅緘亦貶房州司馬復著作佐郎監越州後十餘年始還副使知廉州屋多茅竹戍卒楊禧醉焚營延燒民廬因乘以爲竊緘戮之於市又坐謫潭州都監未幾知鼎州熙寧初進如京使廣東鈐轄四年交趾謀入寇以緘爲皇城使知邕州緘詞得實以書抵知桂州沈起起不以爲意及劉彝代起緘致書於彝請罷所行事彝不聽反移文責緘沮議令

勿得輒言八年蠻遂入寇衆號八萬陷欽廉破邕四砦緘聞其至閩州兵得二千八百召僚吏與郡人之材者授以方畧勒部隊使分地自守民驚震四出緘悉出官帑及私藏示之曰吾兵械既具蓄聚不之今賊已薄城宜固守以待外援若一人舉足則群心搖矣幸聽吾言敢越佚則孥戮汝有大校霍績潛出斬以徇由是上下脅息外援不至殺其家三十六人藏于坎縱火自焚蠻至求尸皆不得邕被圍四十二日糧盡泉涸人吸漚麻水以濟渴多病不利相枕藉以死然訖無一叛者緘憤沈起劉彝致寇又不救患欲

上疏論之屬道梗不通乃榜其罪于市冀朝廷得聞
 焉神宗聞緘死嗟悼贈奉國軍節度使謚曰忠勇賜
 都城甲第五鄉里上田十頃聽其家自擇以子元為
 西頭供奉官閣門祗候召對謂曰邕管賴鄉父守禦
 儻如欽廉即破則賊乘勝奔突桂象皆不得保矣昔
 張巡許遠以睢陽蔽遮江淮較之鄉父不能過也改
 授殿中丞通判邕州據宋史脩
 狄青字漢臣汾州西河人善騎射初隸騎御馬直擢
 延州指使討趙元昊為先鋒有功累遷樞密副使皇
 祐中廣源蠻儂智高反陷邕管圍廣州嶺外擾動仁

宗以青為宣徽南院使經制廣南盜賊事置酒垂拱
 殿以遣之至即斬敗將陳曙大破智高于崑崙關下
 追奔五十里斬首數千級偽官屬死者五十七人生
 擒五百餘人歛屍築京觀還至京師帝嘉其功拜樞
 密使賜第敦教坊優進諸子官秩在樞密五年卒贈
 中書令謚武襄據宋史脩
 余靖字安道韶州曲江人仕進語在人物傳皇祐四
 年儂智高圍廣州起知桂詔經制廣東西賊乃趨廣
 州智高復走邕州欲倚峒穴為久居計靖先移檄交
 趾及諸峒使捍會朝廷命宣徽使狄青將兵至智高

敗走靖選敢死士入持磨道生擒智高母與弟送闕下戮之後知廣州先是番舶裝發皆征稅靖奏罷之以來遠商又戒在任官吏不得市南藥及歸不持南海一物廣俗輕揚教之禮法簡而不苛百姓懷之

宋據史廣州志參脩○欽州志云儂智高之亂委靖經制靖策其必結援交趾而脅諸崗以自固先携其黨使不得與智高合乃與狄青討平之繼而交趾蠻甲紹泰冠欽州授靖體量安撫使靖至召交趾用事者費嘉祐於欽下責之嘉祐請罪自贖遂不復來按一統志謂公知欽州撫寧夷獠嶺海晏然而公本傳則以安撫使自青州召來是公實未嘗知欽也本傳又云公知潭州改知桂州是欽豈是時屬於桂亦如唐初之制與一統志載嘉祐之事以械送五人斬于欽之界則公又似在欽與意者欽屬邕管經畧使而公是時適以巡歷至欽是皆不得而詳者也然公德政及人所過生輝為守則守為經制則經制為安撫則安撫

顧何往不宜而亦何往非造福於民哉

李英高要人任欽州推官死儂寇之難贈比部郎中

廟食高要據欽州志脩

楊旼字樂道隴西人進士及第為大理寺丞知岳州荆湖路兵馬鈐轄賊聞旼至皆恐畏踰南遁又詔往韶連等州招安之乃約賊使出峒授田為民而轉運使欲授以官與貲納質使還旼曰賊剽攻湖廣七年所殺不可勝計今使飽貲糧據峒穴其勢不久必復亂明年春賊果復出陽山旼即領眾出嶺外涉夏秋凡十五戰賊潰旼感瘴疾歸蠻平願還舊官改尚書

屯田員外郎直史館知隨州召還為三司戶部判官
奉使河東丁父憂會儂智高陷邕州召至都門外辭
以喪服不敢見仁宗賜以服飾御巾入對便殿即日
除起居舍人知諫院廣南東西路體量安撫經制賊
盜畋至韶州會張忠戰死智高自廣州回軍沙頭將
濟畋令蘇緘棄英州蔣偕焚糧儲及召升晉岑宗閔
王從政退保韶州賊勢愈熾畋不能抗遂殺蔣偕王
正倫敗陳曙復據邕州畋坐是落知諫院知鄂州再
降為屯田員外郎知光化軍進龍圖閣直學卒家無
餘貲特賜黃金二百兩

據宋史脩

陶弼字商翁永州人慶曆中楊畋討南徭弼上謁畋
授之兵使往襲大破之以功得陽朔主簿儂智高犯
南海畋為安撫使辟弼參軍謀使下英江會諸將議擊
未至智高解去弼令舟從其徒數十人間關步出赴
畋次臨賀大將蔣偕敵戰死餘衆畏亡將被誅多降
賊弼數與之遇亟矯畋命揭榜道上諭使歸許以不
死凡得千五百人府罷調陽朔令歷知賓容欽三州
在欽重葺州城濬流濠塹而州治愈固後換崇儀副
使遷為使知邕州

據宋史欽州志參脩

蕭渤吉州人皇祐中以殿中丞知南雄州預築斗城

以禦儂寇闢州治以壯舊觀精敏過人不撓於劇民

安其政及代民借晉之既去立祠祀之

據南雄志修

曹觀字仲賓建安人父脩禮不仕叔脩古知興化軍

卒無子天章閣待制杜杞為言于朝授觀建州司戶

叅軍為脩古後皇祐中以太子中舍知封州儂智高

叛攻陷邕管趨廣州行至封州州人未嘗知兵士卒

纔百人不任戰聞又無城隍以守或勸觀遁去觀正

色叱之曰吾守臣也有死而已敢言避賊者斬摩都

監陳晔引兵迎擊賊封川令率鄉丁弓手繼進賊衆

數百倍晔兵敗走鄉丁亦潰觀卒決戰不勝被執賊

戒勿殺梓使拜且誘之曰從我得美官付汝兵柄以

女妻汝觀不肯拜且罵曰人臣惟北面拜天子我豈

從爾苟生耶速殺我幸矣賊猶惜不殺徙置舟中觀

不食者兩日探懷中印章授其從卒曰我旦死若求

間道以此上官賊知其無降意害之至死詬賊聲不

絕投屍江中時年三十五事聞贈太常少卿錄其子

四人妻劉避賊死於林峒追封彭城郡君加賜冠帔

又贈脩古尚書工部侍郎封脩古妻陳穎川郡君當

智高之反乘嶺南無備州縣吏往往望風竄匿故賊

所向輒下獨觀與孔宗旦趙師旦能以死守後田瑜

安撫廣南為覲立廟封州

據宋史修

元絳字厚之錢塘人絳生而敏悟五歲能作詩長舉
進士以廷試誤賦韻得學究出身再舉登第為度支
判官儂智高叛嶺南宿軍邕州而歲漕不足絳以直
集賢院為廣東轉運使建瀕江水砦數十以待逋寇
繕治十五處樓堞械器皆備軍食有餘以功遷工部
郎中擢天章閣待制知福州進龍圖閣直學士徙知
廣州以文學飾吏治時經亂後復傳溪洞有警既至
帖然乃設傳耳其謝上表云橫水明光之甲得自虛
傳雲中赤白之囊唱為危事蓋用澤潞朱文饒及丙

吉傳中事也神宗覽之大稱善甫移越州後遷自判

南召為翰林學士知開封府拜三司使叅知政事以

太子少保致仕工於文辭為流輩推許薨年七十六

贈太子少師謚曰章簡

據宋史石林燕語參脩

王罕字師言成都華陽人為廣東轉運使行部在潮
州儂智高圍廣州知州仲簡募人置書間出要罕報
曰罕家在園中非不欲歸顧獨歸無益不若求可助
城中者行至惠州四境惡少乘亂時惠無備眾邀罕
出城鎮撫罕不得已乃召耆長令發壯丁又召尉亦
發民增弓手耆長所發久無至者適有婦人訴僕夫

奪其釵珥者罕令斬首置道傍告百姓曰此壯丁不
肯行者民聚觀有懼色於是耆長得壯丁六百尉得
弓手二千皆集威聲遂振罕又選銳士三千徒卒有
材伎者數十以舟百四十艘建旗幟作樂順流趣廣
州未至徒卒進曰廣之南門去水尚百步賊兵在傍
如我趨門賊來薄我必亂矣於是使士登岸斬木枝
為鹿角數千既至使徒卒先登士以鹿角從之布岸
上屬于南門智高擁眾臨觀不敢犯罕徐勒兵作樂
開南門以入城中守備益固智高解去據宋史廣
州志參條
蕭注字巖夫臨江新喻人磊落有大志尤喜言兵常

言四方有事吾將兵數萬鼓行其間戰必勝攻必取
豈不快哉舉進士攝番禺令儂智高圍州數月方舟
數百攻城南勢危甚注自圍中出募海濱壯士得二
千人乘大舶集上流因颶風起縱火焚賊舟破其眾
即日發縣門納援兵民持牛酒芻糧相繼入城中始
有生意有是每戰以勝歸將偕上其功擢禮賓副使
廣南駐泊都監賊還據豈管余靖患其嘯誘諸崗以
屬注注挺身入蠻中施結恩信狄青師攻賓州召會
諸將疑注倚賊聲勢為姦利欲誅之注覺託為游辭
不肯往賊破青始聞注前功以注知邕州據宋
史條

蔣偕字叔賢華州鄭縣人幼貧有大志父病嘗割股
 以療父愈詰之曰此豈孝邪曰情之所感實不自知
 也舉進士補韶州司理叅軍知坊州儂智高反除宮
 苑使韶州團練使為廣南西路鈐轄賊方圍廣州偕
 馳傳十七日至城下戰士未集會智高徙軍沙頭安
 撫楊政檄偕焚糧儲退保韶州坐此降潭州駐泊都
 監再除此作坊使忠州刺史命未至軍次賀州太平
 場賊夜入營襲殺之贈武信軍節度觀察留後初偕
 入廣州即數知州仲簡曰君留兵自守不襲賊又縱
 步兵戢平民以俸賞可斬也簡曰安有團練使欲斬

侍從官偕曰斬諸侯劔在吾手何論侍從左右解之

卒以輕肆敗據宋史脩

張忠開封人初隸龍騎備征選為教駿歷真定府定
 州高陽關京東西路兵馬鈐轄儂智高反就移廣東
 領英州團練使初智高圍廣州時洪州駐泊都監蔡
 保恭及知英州蘇緘以兵八千人據邊渡村扼賊歸
 路忠奪而將之謂其下曰我十年前一健兒以戰功
 為團練使若謂之於是下介騎而則會先鋒遇賊
 奔忠手拉賊謂不能奮遂中標槍死錄
 其父率府副率六慶四監門衛大將軍賜第

一區給半卷河內郡夫人據宋史脩

黃仲通曲祐心蠻寇廣惠最近

仲通增堞濬隍又取惠年六十八矣嘆曰

吾尚可弗知許之特官其一子余靖

稱其以勤當官以口欲以清苦立身卒之日家無

餘貲云時又有鮑軻者廣東提刑皇祐中儂智高

反軻駐南雄擊賊有功據宋史惠州志南雄志參脩

盧革字仲辛德清人少舉童子知杭州馬亮見其

嗟異之秋貢士密戒主司勿遺革聞語人曰以

薦吾耻之去弗就後二年遂首選至登第年方

慶曆中知襲州蠻入寇桂管騷動革經畫軍須先事

而集移書安撫使杜杞請治諸郡城谷易長吏之不

才者又言嶺外小郡合四五不當中州一大縣無城

池兵甲之備將為賊困宜度遠近并省之後儂智高

來九郡相繼不守皆如革慮知婺泉二州提點廣東

刑獄以廉稱神也以光祿卿致仕據宋史湖州志參脩

嚴顥字威卿吉水人皇祐四年進士為河源令持

身以廉邑人惜其去賤以海行十餘里家人發

金得金以告顥也以也者還之據惠州志脩

劉湜字子正徐州也進士累擢戶部郎中知

廣州儂智高初平湜亦土兵葺械器作鐵鎖斷江路
 有盜據山救貸罪招之不肯降湜知並山民資之食
 即徙民絕餉盜困感乞降民安之居二年毋老求內
 徙遂徙徐州據宋史一統志參脩
 孔延之字長源臨江新淦人幼孤自感厲晝耕讀書
 隴上夜燃松明繼之學藝大成鄉舉進士第一遂中
 其科授欽州軍事推官杜杞之使南方誅歐希範策
 畫多出延之書奏謀議皆其屬草後知封州即用為
 廣南西路相度寬恤民力所更置五十五事弛役二
 千人使者欲城封州延之為十以謂無益乃不果城遷

廣南西路轉運判官辭毋老不許初儂智高平推
 南方補虛名之官者八百人多中戶以上皆弛役役
 歸下窮延之使復其故欽廉二州蛋戶以採珠為富
 人所役屬奪使自為業者六千家皆定著令交趾使
 來桂州陰齎貨為市須負重三十人延之止不與使
 由此不數至雷州並海守方倪為不善官屬共告之
 倪要奪其書延之馳一人倪縱繫逮者七百餘
 人倪坐法當斬一人倪死人一人倪叫感泣聲動海上改
 荆湖北路坦刑徭知潤州熙寧七年二月卒年
 六十有一自欽州九遷至尚書司封郎中賜服緋魚

有三子曰文仲武仲平仲同讀書于郡齋俱好學成
名後人榜其齋曰桂堂平仲見流寓傳據南豐縣志

王舉元字懿臣鎮定人父化基禮部尚書兄舉正為

御史中丞廷諍有聲御史唐介坐言事貶春州舉正

力言之介得徙英州舉元以上父章賜進士出身知

潮州江水敗隄盜乘間竊發舉元夜召里豪計事盜

既獲乃治隄闔境晏然潮人德之嘗薦海陽盧侗文

行後遂知名舉元官至給事中子詔工部尚書據宋史脩

思純歸善人皇祐中以三禮出身歷官朝奉郎知

其弟思義亦相繼守封皆有遺愛於民據肇慶志脩

字希伯廣漢人至和初知雷州暇日延長老授

諸生條教初雷俗鄙陋常以宗子為長易數世諸父

反拜紘喻以長幼親疎悉更舊習又增治城壘關田

瀦為久遠計雷人愛敬之據雷州志脩

徐的字公準建州建安人擢進士第補欽州軍事推

官欽士煩鬱人多死瘡瘍的見轉運使鄭天監請曰

徙州瀕水可無患請轉而上聞從之天監因奏雷的

使辦役短衣持挺與役夫旁苦築城郭立樓櫓以

備戰守畫地居軍民為府舍倉庫溝渠壘肆之類民

皆便之後遷工部郎中加直昭文館區希範蒙趕寇

衡湘命的招撫之既至蠻酋相繼出降召還蠻復叛除荆湖南路安撫使至桂陽降者復衆不降者的皆討平之卒於桂陽又張亞卿西洛容人積學善文皇祐初第進士官至朝議郎通判廣州有善政

據宋史

州志

參脩

范師道字貫之蘇州長洲人進士及第知常州徙廣南東路轉運使舊補攝官皆委吏胥無先後遠近之差師道為置籍次第之人莫敢欺召為鹽鐵判官後

遷直龍圖閣知明州卒

據宋史脩

田開者不知何許人嘉祐三年知封州愛民重士興

學勸農去任民懷其惠吟詠甚富同時州判官鄭夷甫亦有惠政豫知死日至期沐浴更衣至官舍面溪亭親督洒掃揮手指畫間屹然立化僵如植木人詫其異又有沈清臣亦知封州政尚簡易一介不取風節凜然人望而畏之謂不愧其名云

據肇慶志脩

榮諲字仲思濟州任城人舉進士至鹽鐵判官遷廣

東轉運使英之浪陽峽絕險林

畝霧氣瘴毒釣

魚臺壁立江滸鳥道不通乃從

後鑿石架木為棧

道七十間直至江口抵清凌趨廣州遂為夷塗復入

為開封府判官累官秘書監

年六十六

據韶州志脩

程師孟字公闢蘇州吳縣人起進士甲科歷知縣轉
 運所至有聲知福州治行尤著移知廣州大修學校
 日引諸生講解負笈而來者甚多諸蕃子弟皆願入
 學以右諫議大夫再任在廣六年威愛並行初州城
 儂寇所毀即有警民駭胤方伯踵至皆言土疏惡不
 可築師孟作西城廣十二里及交趾陷邕管聞廣守
 備固不敢東上遣中使撫問召判三班院又念前功
 以為給事中集賢脩撰洪福廣越為立生祠據宋史廣州志

參脩

蔡抗字子直宋城人江節度掌書記嘉祐中通判

泰州吳中荐饑朝廷擇守將經制其事遂以秘閣校
 理太常博士知蘇州到任行縣按水又置射堂於州
 宅明年改廣東路轉運使漕政簡靜事無傍滯脩飭

藥洲亭館如在蘇時據姑蘇志脩

蕭世範龍泉人嘉祐中進士為南雄推官憫運夫之
 苦制小車以代一車可勝數人之載公私便之改廣

西轉運判官據江西志脩

陳偁字君舉南劔人治平三年知惠州時豐湖之防
 廢水已涸而稅猶存偁始築長堤以扞水東起中郭
 西抵天慶觀延袤數里且水門備潦壘石為橋於

其上魚鱉蒲蓮之利悉於民奏免課錢五十餘萬
郡人德之名其橋曰陳八橋於橋建祠祀之塑像以
子了翁侍後五 惠歲日 民以車汲水入東湖溉
田若備者可謂 功德于民者矣據惠州志脩
陳升之字暘叔建州建陽人初名旭避神宗嫌名改
焉舉進士歷知封州有能理才遠邇稱其賢監司薦
之入為監察御史知諫院彭思永論事令窮問所從
來唐介劾宰相斥嶺南升之皆極諫官至中書門下
平章事集賢殿大學士封秀國公卒贈太保中書令
謚成肅升之深好多數黨附王安石世以是譏之初

族人陳亞真宗時知南恩州以地多烟瘴夷獠雜處
務行寬政深得民心其宦績視升之尤優云據宋史一統志

參脩

唐介字子方江陵人擢第為監察御史裏行轉殿中
侍御史劾宰相文彥博貶春州別駕御史中丞王舉
正言其太重帝旋悟明日取其疏入改置英州而罷
彥博相又慮介或道死有殺直臣名乃遣中使護送
至貶所又圖其像於便殿由是直聲動天下士大夫
稱真御史必曰唐子方而不名介居數月盡心政事
州人敬仰尋召還京遷叅知政事帝欲用王安石介

言其難大任自是數與安石爭論安石強辯帝王其說介不勝憤疽發于背薨年六十贈禮部尚書謚質

蕭子淑問義問孫恕皆仕于時據宋史英德志參脩

周敦頤字茂叔道州營道人本名敦實避英宗舊諱改焉以舅龍圖閣學士鄭白仕為分寧主簿熙寧元年為廣東轉運判官改提點刑獄洗冤澤民不憚勞苦雖瘴癘險遠亦緩視徐按自韶至惠登羅浮賦詩後以疾求知南康軍因家廬山蓮花峰下前有溪合於湓江取營道所居濂溪以名之趙抃再鎮蜀將奏用之未及而卒年五十七賜謚元公嘗著太極圖通

書學者稱為濂溪先生掾南安特程珦通判軍事視

其氣貌非常人與語知其為學知道因與為友使二

子顥頤受業遂開伊洛之源自宋以來從祀孔子廟

廷廣人祀之濂溪書院據宋史韶州志參脩

李允字子西許州臨穎人英宗時登進士第由屯田

員外郎為殿中侍御史加龍圖直學士知廣州為政

簡嚴人頌自劉氏納土之後獨允尤著清節還知河

陽據宋史脩

盧士宏字子高新鄭人以父仕屢更州縣所至著清

名擢夔州路轉運使遂知廣州或傳安南舟數百泊

海中將為寇嶺徼驚搖上宏灼其非是日從賓客宴遊為樂民賴以安受代還引疾丐便郡知鄭州未幾以光祿卿致仕卒年七十三

據宋史脩

袁抗字立之洪州南昌人舉進士得同學究出身累遷國子博士知南安軍擢提點廣南東路刑獄浙東叛卒鄂鄰鈐閩越轉南海與廣州兵逆戰海中值大風有告鄰溺死者抗獨曰是日風勢趣占城鄰未必死後果得鄰於占城還為度支三司判官改少府監卒抗喜藏書至萬卷江西士大夫家鮮及也抗子陟少刻勵好學善為詩終殿中丞

據宋史一統志參脩

初無擇字擇之上蔡人進士高第歷知南康州海州提點淮南廣東刑獄政暇每遊山水嘗至羅浮賦詩後擢廣南轉運使長於言語政事為時名臣入直集院時封孔子後為文宣公無擇言以祖謚加後嗣非禮也於是下近臣議改為衍聖公神宗時與王安石不合被謫尋復光祿卿秘書監集賢院學士移知信陽軍卒無擇為人好義篤於師友少從孫明復學經術又從穆脩為文章兩人沒求其遺文彙次以傳據

史廣州志參脩

蕭世京字昌孺龍泉人嘉祐中進士為廣東路提舉

常平公事能樽節出入改轉運副使益著清譽蔡京為相奏舉十事京銜之罷歸後擢吏部員外郎據江西通志

志

王靖字詹叔大名人以司勳郎中為轉運使巡行十六州雖瘴癘如春新亦皆歲一再至嘗與盧士宏靖徭蠻之亂熙寧初知廣州時多盜賊人而逸民不安堵出重購禽之發太倉募豪右使賑水災而民卒歲無流亡者歲貢香藥役以鄉戶費至破產以使臣代之罷役者八百戶戍兵之死者予錢使斂而請以兵代戍民德之而立祠據廣州志脩

邨曾字正夫太倉農家子自幼讀書識度不凡嘉祐中進士初授睦州團練推官知於潛縣未赴熙寧三年詔天下陳理財省費興利除害之策曾自廣東安撫司機宜文字為書陳蘇州水利王安石善之五年授司農寺丞提舉興脩兩浙水利民不為便遂罷歸治所居之西水田曰大泗灤者如所陳之說為圩岸溝澮場圃俱用井田之制歲入甚厚圖狀以獻且以明前法非苟然者復為司農寺簿遷丞預脩本寺制式頗號完密除江東轉運判官元祐初入為太府丞出知温州以比部郎中召未至卒據姑蘇志脩

曾誼字子常建昌南城人進士及第補洪州新建縣主簿擢循州龍川令為吏平恕質愨務在愛人不為刻察龍川稱治終尚書都官員外郎誼博聞強記明於大體家故貧然廉節自重罷吏歸常闔門居不與人事或日晏不得食晏如也據南豐文集修

周彥先字師古泰州人父嘉正以進士通判廣州終刑部郎中彥先以蔭監廣州清遠縣鹽場為轉運使所番以鹽市舶它吏力習為奸昧事而彥先獨不買舶中一物轉運使數餼稱之以媿它吏因薦彥先遂知循州之興寧縣至則相縣南三十里寧昌驛以為治

所能撫縣人卒于官吏民思之

據臨川文集脩

周諤字希聖尤溪人熙寧六年登進士第筮仕知廣州新會縣王安石行新法郡縣風靡諤獨不奉行致書政府力陳其弊因求歸田里民得免於青苗徵求之患所著有孟子解義一時門生稱為周夫子據尤

脩○尤溪志諤知廣之新會縣不肯奉行王安石新法有寄子弟詩浪有虛名落世間自慚無實骨毛寒未年三十身先倦才得一官心已闌卜宅擬尋栽藥圃買田宜近釣魚灘他年子弟重相見藜杖簑衣筒籬冠志於澤民不從亂法一時門人稱周夫子其風致可想也著孟子解義禮記說皆行于世

徐九思字公謹崇安人登進士調蘄水尉歷知雙流宣化南陵二縣時趙抃唐介交薦入判三司坐忤時

相通判廣州嘗與進士梁杞建議立香山鎮為縣以
便徵役神宗召對面賜褒諭有老成練事之稱既而
王安石以其譏議新法又附司馬光坐廢十餘年元
祐初召為江淮等路發運判副使致仕有新豐集若
干卷行世據建寧志脩
張田字公載澶淵人登進士第熙寧初加龍圖閣直
學士知廣州廣舊無外郭民悉野處田始築東城環
七里賦功五十萬兩旬而成初役人相驚以白虎夜
出田迹知其偽召戒邏者曰今夕有白衣人出入林
間者謹捕之如言而獲城即就東南微陷往視之暴

卒年五十四田為人伉直自喜好嫚罵氣陵其下故
死無哀者然臨政以清女弟聘馬軍帥王凱欲售珠
犀于廣顧曰南海富諸物但身為市舶使不欲自汙
爾作欽賢堂繪古昔清刺史像日夕師拜之蘇軾嘗

讀其書以侔古廉吏據宋史廣州志參脩

毛溫富川人仕為欽州靈山簿時交寇陷欽廉白三
州守令皆望風而遁溫糾合土豪與戰輒勝賊勢遂
挫事聞召對改秩有李巖臨江人元祐二年知東莞
縣端謹富才善政邑之東江堤夏潦暴漲瀕江之田
罹其害巖於西湖福龍石貝司馬頭京山牛渡海等

處築長堤捍之民獲其利明年復築鹹潮堤民至今
 賴之又有陳求齡者熙寧間知欽州時交趾入寇求
 齡率兵固守城陷不屈而死據一統志廣西通志江西通志參脩
 梁立則不知何許人熙寧三年知新州浚滌泉源盡
 力溝洫興水利溉民田百頃人懷其惠後贈都官員
 外郎有李時亮廣西博白人嘉祐中舉進士累官知
 廉州有治聲嘗獻平南十策及疏時政得失神宗嘉
 之官檢校散騎常侍兼御史大夫亮善屬文尤長於
 詩與陶弼賡和號李陶集又有朱初平者體量安撫
 使元豐中海南四州軍稅籍殘缺吏多增損輒移稅

人他戶代輸者類不能明瓊州昌化軍丁稅米歲移
 輸朱崖軍道遠民以為苦至是用初平等議根括四
 州軍稅賦舊額存其正數二州丁稅米止令輸錢於
 朱崖軍自糴以便民瓊崖諸州如瓊山等縣感恩英
 由等場柵其地荒阻賣鹽不售類拆配衙前前後官
 此者或擅增鹽數煎鹽戶力不給有破產者元豐三
 年初平奏蠲鹽之不售者又約所賣數定為煎額以
 惠遠民又有郭曄政和中知瓊州乞置澄邁西峯臨
 高定南兩寨以隘阻俚人由是道路無梗與立則皆

能吏也據肇慶志舊通志瓊臺志參脩

孫載字積中崑山人登進士熙寧中知德清縣賑饑
 弭盜以績最神宗以載姓名付中書除廣東常平觸
 暑行部以宣德意元祐初通判陝州遷廣東轉運判
 官牘無滯人頌其廉能政暇即遊羅浮訪古賦詩遷
 朝請大夫致仕一日偏謁先隴及嘗往來者未幾疾
 革問日早晏盥手焚香而逝年七十二載天資樂易
 長於吏治好汲引士類受薦者至四百餘人後多知
 名少喜讀易著釋解五十卷文集若干卷據姑蘇志脩
 郭祥正字功父太平州當塗人母夢李白而生少有
 詩聲梅堯臣方擅名一時見而嘆曰天才如此直太

白後身也舉進士熙寧中為僉書保信軍節度判官
 奏乞用王安石安石反詆之遂以殿中丞致仕後復
 出知端州自謂留心政術以靖蠻方不宜賦詩然時
 吟一篇世爭傳之民樂其詩書之化尋又棄去隱于
 縣青山卒據宋史詩話肇慶志參脩
 蔣之奇字穎叔宜興人以伯父蔭得官擢進士第歷
 集賢殿脩撰知廣州妖人岑深善幻聚黨二千人謀
 取新興畧番禺包據嶺表之奇遣鈐轄楊從先致討
 生擒之加寶文閣待制南海饒寶貨為吏者多貪聲
 之奇取前代牧守有清節者吳隱之宋璟盧貞李勉

等十人繪其象建十賢堂祀之冀變其習徙河北都

轉運使據宋史廣州志參脩○徐積送穎叔詩有序

本朝選名賢即拜山陽太守蔣公奉使以往公始聞

命不敢安處即日束裝以俟拜命決行之日一州之

人皆惜其去以其嚴而不苛察而能恕實受其惠也

作詩者因民之情述公之義送公之行亦以告諸越

人也五嶺之南其極西徼其旁大海木深山峭內有

豁洞外有交趾皮厚肉堅鐵為骨髓雖鬼伏藏孫猿

突起動如飄風猛如湍不獨恩不畏獨威不懷擾之

則去撫之則來恩之與威不可去一不可無術坐當

一面則有帥臣按刑將潛要皆得人嚴裝以需青禮

其選能不擇官義不辭遠始聞有命嚴裝以需青禮

角簞藥餌茶爐琴堂舊譜鈴閣新書史快籠重詩囊

卷粗前施齋舫後設行厨公既拜命不敢寧居西戒

徒御迺建帆檣鳴刁擊鼓旗幟開張州人感恩父老

童稚知不可留以足頓地或前塞路或後從行或獻

花酒或犒從兵或望於野或送一程即日渡江江南

春早雪盡冰消江山如掃柳徑挑蹊梅花芳草沽酒

村遙賣魚舩小晨散鳥群暮歸白鳥春正好時已到

岳陽岳陽樓下蒼蒼茫茫岳陽樓上飛沫流光江山

舊物吳楚凄凉夜宿巴陵曉過洞庭湖中水綠湖口

山青黃陵古祠長沙古路瀟江湘江風烟古渡嶽麓

茶林沙洲橘樹此時春深衡陽鴈去時飲一盃時吟

幾句更望九嶷清詩無數攬轡登山日日西南褰帷

王滌字長源萊州人元祐五年知潮州養士治民一

於馮唐

用之優

心悅諸公

節

以韓愈為師嘗新愈廟蘇軾為文俾後政傳誦為法

又有曹登不知何許人元符三年知潮州留意學校

撥田贍士先祀于賢守祠後祠廢改祀名宦

據潮州志脩○

按王安石素惡韓昌黎累賦詩詆

之後滌仕竟不顯或曰蔡京為之

陳希復揭場人元祐中知梅州時朝廷下諸州取黃

砂牛皮及出內庫錢買真硃以備國信列郡皆供應

希復獨念稼穡根本不忍敷取於民及上封事奏免

州人德之卒于官事見人物傳

據潮州志脩章案字質夫建州浦城人祖頰為侍御史案以叔得

象蔭應舉試禮部第一歷官權戶部侍郎紹聖初加

集賢殿脩撰知廣州時廣人冒犯鯨波浩殖貨利不

知有義以制其欲至於婦代夫訟父子異居兄弟骨

肉急難不顧男女嫁娶至無媒妁喪葬之儀過禮越

制案以習俗積久卒未能化日夜責躬思以道之乃

以教化所始莫先於學人倫之序莫始於教於是城

西之學與尼寺相比具不合古制乃謀遷於城東番

山之前日與學士諸生講論六經嘗告諸生曰夫學

不力不足以成德善不明不足以充擴其性誦孔孟

之書學先王之道苟無至誠好善之實而不知性命

死生之說外禍福富貴則何足以為君子儒哉文章

可學而工也議論可講而到也魏科殊級可以力取也富貴利達可以苟得也此皆世俗之所謂貴彼所謂貴者非良貴也君子之所以異於衆人者以其存心心之所存四端而已不誠其意不足以正心不正其心不足以齊家至於治國平天下之道一本諸心而已矣諸生其勉焉夫喪良心而逐外物君子謂之惑循虛名而忘實行君子謂之盜盜可為乎哉惑可久乎哉諸生其與師友朝夕講論德誼寧心以明善不變如魯之國是太守之所望於平素以文人自負其為是論士人翕然稱之後以龍圖閣直學士致仕

卒

據宋史廣州志參脩

陶節夫字子禮宋饒州鄱陽人晉大司馬侃之裔也第進士起家為廣州錄事參軍楊元寇暴山谷間捕繫獄屢越以逸且不承為盜既累年節夫詰以數語元即吐服將適市與諸囚訣曰陶公長者雖死可無憾後知新會縣益盡心民事甚有惠愛廣守章察重其材察帥涇原辟入府終虞部員外郎據廣州志脩連希覺字民先不知何許人紹聖二年知英州時南山有梁勝果寺遺基前守建衆樂亭與民同遊希覺繼至記其成發明先憂之義人爭誦之已而罹艱憂

去崇寧初復知南雄州伐石築陂引水灌田民感其
惠號曰連陂至今賴之據英德志南
雄志參脩

蘇邁字伯達眉山人文忠公軾之長子知仁化縣文

章政事綽有父風以政最遷雄州防禦推官知河間

縣事仁化祀邁于名宦祠至今猶存詳見流寓傳據

化縣志脩○侯鯖錄邁東坡長子豪邁雖不及其父
而問學語言亦勝他人子也少年作詩云葉隨流水
知何處牛帶寒鴉過別村先生見之笑曰此村長官

詩後東坡貶惠州伯達求韶之仁化令以便饋親果
卒於官今按宋史邁官終駕部員外
郎非卒於仁化也小說不足信類此

潘邁字際可茶陵人紹聖間知南雄州作興學校大

有政聲州學諸生祀之學宮至今有潘太守祠又有

何大正大庾人博通諸經尤邃於易元祐間入國學

雖老師宿儒莫不推遜時稱上庠三傑大正其一也

官至南雄州司理叅軍治獄察情根於所學後致仕

卒于家據南雄志江
西通志參脩

詹範字噐之崇安人紹聖間知惠州蘇軾謫居範載

酒從遊相與倡和時兵荒之後野多暴骨範取而掩之

為叢塚焉故軾詩曰江干白骨已銜恩又嘗稱其治

行類龔渤海云據惠州
志脩

羅守成者紹聖中知廉州愛民禮士百廢具舉築城

壘創貢闈賑貧人施藥劑力可到處靡不盡心郡人

立祠祀焉又有謝季成元祐中以南京作坊使知

州版築城壁脩治道路庠序一新據廉州志舊通志參脩

廖君玉字國華荊州人元祐間三禮出身以朝請郎

知英州素好學建書堂於桂山名曰紫桂堂偃仰其

間時作吟詠而政事未嘗廢也邃於理學未嘗手釋

經史人多效之據英德志脩

米芾字元章淮南人工書善詩為浚州尉居職二年

風韻瀟遠趣向高潔山水佳處遊題殆徧而職事脩

舉教化興行據英德志脩

蘇伯材字延構晉江人紹聖四年第進士知潮州潮

陽縣富民殺其姪女有吏密懷黃金數百兩置于前

且白其事伯材械治之事連縣佐部使者以聞詔褒

其能知韶州憲吏執翁源平民為賊以幸賞賂縣令

梁格使獄死伯材廉知事狀以聞于朝格坐黥海島

有文集周易解義三十卷藏于家據泉州志脩

范處厚紹興人崇寧五年知南雄州大觀初詔製孝

弟睦嫺任卹忠和八行之選每路以三人為率詔下

二年嶺南一十五郡無應選者處厚悉心搜訪得譚

煥歐陽珏許牧三人以其行聞為一路殊選據南雄志脩

韓謹字去華晉江人崇寧二年進士調南海尉以捕

盜賞改宣議郎除處州教授著詩禮義解上之辟靡
長貳稱獎援之朝召為國子博士改除廣南東路提
舉學事自巡尉未再暮擁使持節方歆豔罷歸以所
著義禮數篇見當路時朝廷大開禮制即日除編類
御筆所編類官無禮制檢官一日抗章謝事誥及門
家人訝不素告謹曰告則事不成矣同寮劾奏請留
朝廷還以舊職未就卒據泉州志脩
湯夢觀萍鄉人崇寧間舉進士知循州時蠻寇劫掠
旁郡不敢入其境自相戒曰切昔犯此老子朝廷聞
而嘉之據袁州志脩

李守柔字必強臨桂人紹興間為海康令能弭盜安
民時趙鼎貶雷州迎送以故相禮秦檜聞之緣坐十
年不調檜死始改倅邕除新州卒文常經宜州人大

觀中舉進士通判雷州有善政據廣西志脩

吳達老字信遇惠安人也政和五年進士知惠州惠
興學校承節郎謝革者遣從劫讐家殺其主焚所居
室獄具達老慮賊或奪囚先處決之乃自効待罪以
母老乞祠而去據惠州志脩

陳鶴字聞野莆田人也宣和六年進士惠州僉判惠
俗僻陋士風不振守吳達老與鶴同志大興學校鶴

親典教事執經者歲數百人鶴乃捐僉判廳所得鹽倉羅頭利市錢置學田以增廩又表置學官自後文士彬彬惠之倡學實自鶴始據惠州志脩

郭孝友字次仲龍泉人政和進士任國子司業時蔡京再相天下益多事孝友因奏對燕雲事當國有不悅者計謫瑞金後提點兩廣東西路刑獄捐騶從躬親按歷貪懦守令劾奏不宥累官工部侍郎秦檜與金人約和廷議多不合檜以孝友同舍生異其附已孝友曰議和非至計因遂銷兵如後患何士大夫豈好生事者願審思之檜不懌曰次仲亦爾耶以敷文

閣待制致仕又有周湛字文淵鄧州穰人提點廣東刑獄初江湖民畧良人嚮嶺外為婢湛至搜捕之又聽其自陳得男女二千六百人給領命還其家據江西通志脩

李鞞字彥淵杭州富春人崇寧二年進士宣和初提舉廣東市舶珍貨一無所取舶聞輻湊北召還盜邀之隨行書帙而已歛跡避去據杭州志脩

林黃中字伯玉晉江人元豐末第進士為歸善令有僧院與豪民爭田各持嘉祐葬帖界至歲月皆同先後令不能決黃中立辯之豪民伏辜據八閩通志脩

劉衍字成之龍溪人治平間及第授英州推官應材
識兼茂科槩言時務諷及新法報罷後知潮陽縣歲
大歉衍發縣帑傾家資運廣米民得不饑改知新州
以禦妖賊功特授朝奉郎據八閩通志修

陳康年字季昌晉江人政和壬辰舍選知海陽潮陽

二縣捐捧金代逋賦運私穀賑饑年當路交薦通判

潮州行郡事寇黎盛犯境嚴備卻之歷官二紀公廉

如一日孫謙淳熙中登第為興化軍教授據八閩通志修

周種字仁熟泰州人熙寧中擢第徽宗朝以右文殿
修撰知廣州番舶抵郡犀象香珠之屬獻帥以監司

曰呈椽種一無所受終任不至舶務其歸也部人賦

詩送行有二年清似鏡之句靖康元年卒幼子方崇

紹興中歷三院御史擢禮部侍郎據泰州志修

虞輔國李憲俱為澄海將軍才畧雄一時以意氣相

許紹興八年海寇陳旺攻雷州南城輔國與郡守議

曰海賊陸鬪非其技戰以挫其銳彼知城內有備不

敢久也苟歛鋒次避彼團結營堡野掠自資復環攻

我則城必危乘其勢之未形橫衝以撼之勝則城可

保敗則賊知懼故守則禍深出則禍淺吾請戰矣郡

守以勢不敵難之復請至再三李憲亦以死請遂開

門而出自朝至午戰數十合輔國死之李憲奮勇愈

厲至暮亦死寇乃縱火而去城池獲全據雷州志修

黃瑄字靖護高宗南渡與金將黏罕戰有確山之捷

紹興二十年丞相陳康伯保奏其子世顯襲武經大

夫嶺南安撫使據南雄志修



廣東通志卷第四十七

